

ი მ . ჯ ა ვ ა ნ ი შ ვ ი ლ ი

გლნეოლოგიური
და ინჰოლუსიური
გვურნალეობა
საქართველოში



საქართველოს წიგნის პალატა
ნაკვ. 35
საქართველოში
ინსტიტუტი გამომცემი 35



ს. ს. ს. რ.

ჯანსახკომის კურ. მთ. სამმართველოს
მიზა ცხაკაიას სახელობის კურორტო-
ლოგიის და ფიზიოთერაპიის სამეცნიერო
საგამოკვლევო

ინსტიტუტი

დირ. დოც. ი. კონიაშვილი.



1813.455

საქ. კურორტ. და ფიზიოთერაპიის
ინსტიტუტის გამოცემა



საქართველოს კარლავანთის
ეროვნული ბიბლიოთეკა

ივ. ჯავახიშვილი

ბალნეოლოგიური
და ინჰოლაციური
მკურნალობა
საქართველოში

საქ. ტექნ. გამომცემლობა

„ტექნიკა
და შრომა“

თფილისი

1935

პ/მგ. რედაქტორი დოც. ი. კონიაშვილი.

მთავლიტ. № ა-3510.

ტირაჟი 2000.

შეკვ. № 183.

გამომცემლობა „ტექნიკა და შრომა“-ს
სტამბა, ფურცელაძის ქ. № 5.

სამკურნალო წყლებით მკურნა-
ლობა ძველ საქართველოში მიღე-
ბული და გავრცელებული იყო,
მაგრამ ჯერ ჯერობით ამის შესა-
ხებ მხოლოდ მცირე ცნობები მო-
გვეპოვება. ის, რაც შერჩენილია,
უმთავრესად სხვადასხვა სამკურნა-
ლო წყლების არსებობასა და მათ
დანაშნულებას ეხება. თვით ამ
წყლებით მკურნალობის წესის შე-
სახებ მხოლოდ ორიოდ ცნობაა
შენახული ისევე, როგორც ამ სა-
მკურნალო წყლების მოწყობილო-
ბაზეც. იმ დიდი მნიშვნელობის
გამო, რომელიც ამ ბუნებრივი

საშუალებით მკურნალობას დაავადებული ადამიანის გაჯანსაღებისათვის ძველ საქართველოში უნდა ჰქონოდა, ამ მცირე ცნობების გათვალისწინებაც საჭიროა.

ამ საკითხის შესწავლისათვის უმთავრესი მნიშვნელობა ვ ა ხ უ შ ტ ბატონიშვილის საქართველოს გეოგრაფიასა აქვს: იქ საკმაოდ მოიპოვება ცნობები, როგორც საქართველოში მე-18-ტე საუკ. პირველ ნახევრამდე ცნობილი სამკურნალო წყლების შესახებ, ისევე მათ თვისებებზეც. ამ ცნობების საერთო ნაკლს მათი სიმოკლე შეადგენს. ამას გარდა, რაკი ვ ა ხ უ შ ტ ს საქართველოს ნაწილებითგან ყველაზე უკეთესად ქართლი და შემდეგ კახეთი ჰქონდა შესწავლილი, დასავ-

ლეთი საქართველო და მესხეთი, ანუ სამცხე-საათაბაგო-კი ნაკლებ სკოდნია, ამიტომ მის ნაშრომში ცნობები სამკურნალო წყლების შესახებ უმთავრესად ქართლისა და კახეთის აღწერილობაში მოიპოვება. დასავლეთ საქართველოსა და მესხეთის გეოგრაფიულ მიმოხილვაში ვახუშტს ამგვარი ცნობები თითქმის არ შეუტანია. ცნობათა ასეთ სამწუხარო ნაკლს დასავლეთ საქართველოს შესახებ ცოტა-ოდნად გერმანელი მეცნიერის აკად. ან. გულდენშტედტის თხუზულება ავსებს. რუსეთის სამეცნიერო აკადემიისაგან 1770 წლებში ის წარმოვლენილი იყო კავკასიასა და საქართველოში და ამ თავის მოგზაურობის აღწერილობაში მას

სხვათა შორის ჩვენთვის საგულის-
ხმო საკითხის შესახებაც აქვს ზო-
გიერთი ცნობები შეტანილი.

ფიქრობ, რომ ჯერ იმ ცნობე-
ბის მოყვანა ემჯობინება, რომელიც
საქართველოში არსებულ სამკურ-
ნალო წყლებს ეხება.

ცნობები სამკურნალო წყლების შესახებ.

სრულებით ბუნებრივია, რომ
ადამიანს სამკურნალო წყლებითგან
ყურადღება პირველად სწორედ
ცხელი წყლებისათვის მიეპყრო.
ამგვარადვე გასაკვირველი არაფე-
რია, თუ ყველაზე ადრე ტფილი-
სის ცხელი წყლის აბანოების შესა-
ხებ გვხდება ჩვენ გეოგრაფიულსა
და საისტორიო მწერლობაში ცნო-

ბები. მართლაც ტფილისის ცხელი წყლის აბანოებს უკვე არაბთა გეოგრაფი ალ-ისტახრი იხსენიებს, რომლის შრომაც 930 წ. ახლო ხანშია დაწერილი. მას ნათქვამი აქვს: ტფილისში აბანოებია, რომლებშიც უცეცხლოდ ცხელი წყალიაო, ე. ი. ბუნებრივად ცხელი წყალი არის (Bibliotheca geographorum arabicorum de Goéje-ს გამოცემა 1870 წ. გვერდი 185-186 და კარაულოვის Сведения араб. писателей о Кавказе, Армении и Азербейджане: СМОМПК XXIX გვ. 10—13).

ტფილისის აბანოებზე ვახუშტ ბატონიშვილს თავის მე-18-ტე საუკ. პირველ ნახევრის საქ. გეოგრაფიაში შემდეგი ცნობები მოე-

პოვება: „ტფილისს დის ცხელი წყალი კლდიდამ, არს მით აბანონი ექვსნი და დიდშენნი ავაზიანნი, მოდის მდინარე ცხელი წყალი“-ო. (აკად. ბროსსეს გამ. 186). მა'მასადამე, სულ ექვსი, ფართოდ აგებული და დიდი აბაზანებით შემკული აბანო ყოფილა.

მე-17-ტე საუკ. პირვ. ნახ. საქართველოში ნამყოფს ფრანგ მოგზაურს შარდენ-ს ნათქვამი აქვს, რომ ქალაქ ტფილისში ჩვეულე-ბრივი აბანოები ცოტა იყო, რათ-გან ყველანი ცხელი წყლის აბანო-ებში დადიანო. ამ აბანოების წყალი მინერალურია, გოგირდიანია და ძალიან ცხელია. ამ აბანოების წყლით მოსარგებლე სხვადასხვა

ავადმყოფთა რიცხვი მხოლოდ სა-
 ბანაოდ და სისუფთავეისათვის მო-
 სულ პირთა რიცხვზე ნაკლები არ
 არისო (Voyages de mr. le cheva-
 lier Chardin, en Perse et autres
 lieux de l'Orient, t. II, 1723 წ.
 გამ. გვ. 159—160).

შარდენის ცნობა იმ მხრივ
 არის ძვირფასი, რომ იქ გარკვევით
 არის ნათქვამი, რომ ტფილი-
 სის გოგირდის წყლის აბა-
 ნოებით სამკურნალო მიზ-
 ნით მაშინაც ფართოდ
 უსარგებლიათ.

აკად. ან. გვლდენშტედტის
 ცნობით-კი 1771 წ. ტფილისში
 თითქოს მხოლოდ ხუთი აბანო-ლა
 (nach fünf Badestuben geleitet)
 უნდა ყოფილიყო. ამ მეცნიერს

ტფილისის აბანოების ცხელი წყლის
 ქიმიური ანალიზი გაუკეთებია და
 გამოუკვლევია მისი შემადგენლო-
 ბის მთავარი თვისება, გოგირდია-
 ნობა, რაც, როგორც დავრწმუნდით,
 წინათაც ცნობილი იყო. მისი სიტ-
 ყვით-კი ადგილობრივი მცხოვრებ-
 ნი ამ აბანოებს თითქოს მხოლოდ
 საბანაოდ და საცვლების გასარეც-
 ხად ხმარობდნენ და მათი სამკურ-
 ნალოდ გამოყენება პირველად ვი-
 თომც მარტო მას შემოეღოს. ამ
 ავტორის სიტყვით, ტფილისის გო-
 გირდის ცხელი წყლის აბანოები
 სისხლნაკლებობის დროს (Gelb-
 sucht), ქარებისა და გაშეშებულ
 სახსრების წინააღმდეგ კარგად
 მოქმედობდა, როგორც გარეგან,
 ისევე შინაგანი ხმარების საშუა-

ლებით (Reisen durch Russland
 und im Caucasischen Gebürge I,
 222—223).

აბანოები საყოველთაოდ იყო
 მოწყობილი: ორივე სქესის საბა-
 ნაოდ (იქვე I, 269).

საკმარისია აღამიანმა ფრანგი
 მოგზაურის, შარდენის, ზემო-
 მოყვანილი ცნობა გაიხსენოს, რომ
 დარწმუნდეს, თუ რამდენად მცდა-
 რია გვლდენშტედტის ცნობა,
 ვითომც ადგილობრივ მცხოვრებთ
 ტფილისის აბანოების წყლის სამ-
 კურნალო თვისებებზე მანამდე არა
 სცოდნოდეთ-რა. როგორც დავრ-
 წმუნდით, ეს გარემოება საუკუნე-
 ნახევრი ადრეა დადასტურებული
 და, რასაკვირველია, ამაზე დიდი
 ხნით უწინარე! აც კარგად ეცო-
 დინებოდათ.

ძველი დროითგანვე ამ განთქ-
 მული ტფილისის აბანოების შესა-
 ხები ცნობის გარდა, ვახუშტს
 აღნიშნული აქვს, რომ ქ. ოძრხეს
 (ეხლანდელ აბასთუმანს) „ცოტა
 ქვეით, სამხრით არს მთის კალ-
 თას წყარო გამომდინარე
 ფრიად დიდი და ცხელი,
 მდულარის მსგავსი, რომელსაც
 უწოდებენ ოცხეს. მას
 ზედა არს შენი და ბანაობ-
 ბენ მრავალნი, რამეთუ კურ-
 ნებს ქარით დახუთულებ-
 სა ძლიერსა, მუწუქსა და
 ბუგრსა ძნიად საკურნე-
 ბელსა მკურნალთაგან“
 (გეოგრაფია 86).

ამავე მეცნიერის სიტყვით ატე-
 ნის „ციხის გორის ჩრდილოთ კერძ

სდის თბილი წყალი მკურ-
ნალი ბუგრისა და სდის
სხვაცა ცივი წყარო“-ო
(ვახუშტი გეოგრაფია 200).

ხოლო ზედაზნის მონასტ-
რის „ეკლესიის კამარიდამ
სწვეთს წყალი და უდგს
ქვემოთ აბაზანი ქვისა და
შეიკრიბების მას შინა... და ჰკურ-
ნებს სენტაცა“-ო. (ვახუშტი გეო-
გრაფია 300).

ბრეძის მახლობლად მდებ-
არე „აბანოს დის თბილი
წყალი, ჰკურნებს ქართ
დახუთვილსა და ბუგრსა,
მუწუკსა“-ო (ვახუშტი გეოგ-
რაფია 264).

სახელოვანი ქართველი გეოგრა-
ფის ცნობით, თრიალეთის მთების

უკიდურეს დასავლეთის ნაწილში,
 არჯევნის „მთის თხემსა ზედა
 არს წყარო: თუცა სვას და-
 ცონილმან, ჰგონებს სამ
 დღე უჭმელობასა. და შემკულ
 არიან მთანი ესენი შვენირები-
 თა“-ო (ვახუშტი გეოგრაფია 204).

ამგვარადვე, ამავე ავტორის სი-
 ტყვით, ჯავახეთში, სახელდობრ,
 ფარავნის ტბასთან „არს
 წყარო, რომლისა სმით,
 უკეთუ იყოს ვინმე მაძღარ
 ფრიად ანუ დაცონვილ,
 მოადნობს სმითა, ვითარ-
 ცა ქონსა ცეცხლი“-ო (ვა-
 ხუშტი, გეოგრაფია 162).

ამავე თვისების მქონებელი
 ყოფილა საქართველოს უკიდურეს
 ჩრდილოეთ თემში მდებარე წყლე-

K 13.455

ბიძე, რომელთა შესახებ ვახუშტს
ნათქვამი აქვს: დვალეთში ვე-
ძას „დიან წყარონი ფრიად ან-
კარანი, მომლაშონი, არა-
მედ საკმლის მომდნობნი
და მომნელებელნი, და სმენ
მუნებურნი, უწოდებენ
ვეძას, პირუტყვთ შემრგო
გამასუქებელი“-აო (ვახუშტი
გეოგრაფია 238).

აკად. ან. გვლდენშტედტს
აღნიშნული აქვს, რომ უწერა-
ში სხვადასხვა მინერალური
წყლებია: ზოგი ტუტოვა-
ნია, ზოგი რკინოვანი
(theils alkalische, theils mar-
tialische) სწორედ ისევე, რო-
გორც თერგის პირას მდე-
ბარე სიღმისა და შია.

საქართველოს საგარეო ურთიერთობების
სამსახური გიგლეჩეთში

მეტადრე ერთი ტუტოვანი და
 ერთიც მის მახლობლადვე და
 ეკლესიის გვერდით მდებარე
 რკინოვანი (martialische) არის
 საუცხოვო. ამ სამკურნალო წყლე-
 ბის დიდ ღირსებად გვლდენ-
 შტენდტს ის გარემოებაც მია-
 ჩნდა, რომ ერთი მეორეს გვერდით
 მდებარეობენ, რათგან ქრონი-
 კული დაავადების დროს ორივეა
 საჭირო და, რკინოვანი (martia-
 lischen) წყლის ხმარების შემდგომ,
 უეჭველად ტუტოვანი წყლით მკუ-
 რნალობაა საჭირო. ამავე მეცნი-
 ერის სიტყვით, ადგილობრივი მკვი-
 დრნი უწერის ტუტოვან წყლებს
 ჩვეულებრივი სასმელი წყლის მა-
 გიერ და პურის მოსაზღვლადაც
 ხმარობდნენ (Reisen I 290).

ყველა ასეთ სამკურნალო წყლებ-
 ბის გარდა, ვახუშტის შეტანილი
 აქვს ცნობები მთელი რიგი მლაშე
 და მწარე წყლების შესახებაც, რო-
 მელთა სამკურნალო მიზნით გამო-
 ყენების შესახებ მას არაფერი აქვს
 ნათქვამი. მაგ. ჯვარის მონა-
 სტერთან: „კლდესა შინა
 დის წყარო წმიდის ნინოსაგან,
 სასმისად კეთილი და ჰკუ-
 რნებს სენტა და არს გა-
 რემონი მისნი (იგულის-
 ხმებჲ წყაროები) მლაშე
 და მწარენი და იგი ფრიად
 ტკბილი“-ო (ვახუშტი გეოგრა-
 ფია 302).

ამგვარადვე, ვახუშტის სიტყვით,
 გარეჯის მთების მიდამო-
 ებში, თუ წყაროები მოიპოვება,

„არს მლაშენი და მწარე-
 ნი“-ო (ვახუშტი, გეოგრაფია
 288).

ვახუშტი ბატონიშვილს დასა-
 ხელებული აქვს სამკურნალო წყ-
 ლები, რომელთაც, როგორც ეტ-
 ყობა, ღვიძლისა და ნივთიერებათა
 გაცვლა-გამოცვლის დაავადების
 დროს სვამდნენ. მაგ., მისი სიტყვით
 დიდ-გორის მთაზე „არს წყა-
 რო, ცივებით გაყვითლე-
 ბულ მან უკეთუ სვას და
 დაიბანოს პირი, წამს განკურ-
 ნებს. იყო ძველად მეფეთა სად-
 გური ზაფხულის“-ო (ვახუშტი,
 გეოგრაფია 178).

ხოლო სამხრეთ-აღმოსავლეთ
 საქართველოში, სახელდობრ ნა-
 ქალაქებს დბანისში „არს წყა-

რო, რომელი ჰკურნებს მუწ-
 უკთა. აქვე არს წყარო, რომელი
 დაამსხვრევს ქვასა შირი-
 მისასა და დააყრევინებს
 ხმითა“-ო (ვახუშტი, გეოგრაფია
 152).

„შირიმი“, საბა ორბე-
 ლიანის განმარტებით, „თირკმ-
 ლისა და (საშარდე) ბუშტის ქვა“-ს
 ეწოდებოდა (ლექსიკ) სახელოვანი
 ქართველი ლექსიკოგრაფის განმა-
 რტება სწორე უნდა იყოს, რათგან
 „შირიმ“-ი ალბად სპარსული სი-
 ტყვა شرم „შერემ“-ი უნდა იყოს,
 რომელიც სირცხვილსა და კდემას
 ნიშნავს, მაგრამ აგრეთვე სარცხვი-
 ნელსაც ე. ი. სასქესო ორგანო-
 საც. ამგვარად, „შირიმის ქვა“,
 სიტყვა-სიტყვით ნათარგმნი, სარ-

ცხვინელის, ანუ ნამდვილად საშარდე ბუშტის ქვას ნიშნავდა. მაგრამ, როგორც საბა ორბელიანის განმარტებითგან ჩანს, ქართულ სამკურნალო მწერლობაში ეს ტერმინი თირკმელის ქვის აღსანიშნავადაც იხმარებოდა. რათგან საშარდე ბუშტის ქვის აღმნიშვნელ ტერმინად სპარსულში «سنگ کبد» „სანგ-ი მათანეჰ“ (ქვა მათნისა, საშარდე ბუშტისა) არის, ამიტომ „შირიმის ქვა“-ს ასეთი თავისებური მნიშვნელობა ქართულ ნიადაგზე უნდა ჰქონდეს მინიჭებული.

ზემონათქვამითგან ცხადი ხდება, რომ დბანისის წყალი თირკმელა-საშარდე ორგანოების ქვების დამშლელ სამკურნალო საშუალებე-

ბად ყოფილა საქართველოში მი-
ჩნეულ ი.

წინ-წყაროში „არს წყარო,
უკეთუ მით მოხარშო მა-
რცვალნი რომელნიმე და დღე-
თა შენთა ხარშო, ვერა-ოდეს
მოხარშავს, გარნა სასმე-
ლად და საკმარად კეთი-
ლი“-აო (ვახუშტი გეოგრაფია
172).

ვახუშტის სიტყვით, „არა-
დეთს არს ჭა მარიამული, ¹⁾
რომელი ჰკურნებს ბრაზი-
ანის ნაკბენს სმითა“-ო

1) ბროსეს ცნობით, „მარიამულა“ სამე-
ნოვან ლექსიკონში mouche cantha-
ride-ად ყოფილა განმარტებული (გეო-
გრაფია 260 შენ.).

(ვახუშტი გეოგრაფია 260—62).
 რაკი ბრაზი ძველ ქართულში
 ცოფს ნიშნავდა, გამოდის, რომ
 არადეთის ჭის წყალი ვითომც ცო-
 ფიანის ნაკბენის გამკურნებელი
 საშუალება უნდა ყოფილიყო.

აღსანიშნავია, რომ უბრა-
 ლო ცივის წყლის აბაზა-
 ნაც ყოფილა სამეგრელოსა და
 აფხაზეთში სამდღეული და ოთხ-
 დღეული ციების წინააღმდეგ სამ-
 კურნალო საშუალებად მიჩნეუ-
 ლი. გამოაჩნდებოდა თუ არა
 ავადმყოფს ციება, მდინარე წყალ-
 ზე წაიყვანდენ და გაშიშვლე-
 ბულს ყელამდე ცივ წყალში
 ჩასვამდენ და თურმე ასე დიდ
 ხანს წყალში ჰყავდათ. აქითგან
 ამოყვანილს ლოგინში ჩააწვენდენ

ხოლმე (არქანჯელო ლამბერტი
 სამეგრელოს აღწერა 109).
 არქანჯელო ლამბერტის
 სიტყვით, სამეგრელოში ამტკიცე-
 ბდენ, რომ „ამის შემდეგ ავად-
 მყოფი უკეთ გრძნობს თავის
 თავსა“-ო (იქვე).

ვახუშტი ბატონიშვილს აღნი-
 შნული აქვს, რომ „ხვწის პირისპირ,
 ლიახვის გაღმა კიდურს არს
 მიწა სასუნებელი და უდის
 სუნი ფრიად ძნელი, არა-
 მედ კურნებს ქარსა, სევ-
 დასა და ინთილასა სუნე-
 ბითა, გარნა მსუნებელი შებნ-
 დების სუნებითა“-ო (გეოგრაფია
 266—258). ასეთივე სასუნებელი
 მიწის არსებობა ვახუშტს და-
 სავლეთ საქართველოშიც აქვს

აღნიშნული. მას სახელდობრ ნათ-
ქვამი აქვს: „ონის პირის-პირ,
რიონის ჩრდილოთ, მთის კალთასა
შინა მალლა არს ძეგლევვი...
ამას ზეით არს დაბა უწერა
რიონის ორსავე კიდესა ზედა...
აქავ არს მიწა, რომელ-
სა უწოდებენ სასუნე-
ბლად, რომელი დავსწერეთ ქა-
რთლსაცა, არამედ ესე უმეტეს
ძალიანი, რამეთუ გარდაფრენი-
ლი ფრინველი მასზე ჩამოვარ-
დების სუნისაგან.

გარნა არს ესე ონსაცა,
ესევე უმჯობესი“-ო (გეო-
გრაფია 380).

ქართველი სახელოვანი მეცნიე-
რის ყველა ამ ცნობებს გერმანელი
მეცნიერი აკად. ან. გვლდენ-

შტედტის მოგზაურობაც აღა-
სტურებს. სახელდობრ, აკად. ან.
გვლდენშტედტის ¹⁾ სიტყ-
ვით, გორთან (bey Gori) თითქოს
მლაშე ტბა უნდა ყოფილიყო,
ხოლო ონის მახლობლად
ერთ ალაგას იის სუნის მის,
რომელიც ამ მარლისა-
გან უნდა ფშვიდეს. ადგილო-
ბრივი მცხოვრებნი ამის ორთ-
ქლს ქარების წინააღმდეგ
ხმარობენ. ამისათვის მიწაში

¹ „Die Einwohner bedienen sich dieser Dünste wieder Gliederreissen. Sie machen kleine Gruben und setzen in dieselben Rohrhalm in die Erde auf welcher sie die Luft einziehen; viele aber werden hierüber verrückt oder bekommen spasmodisches Zittern der Glieder“ (Reisen I, 280)

ორმოებს სთხრიან, შიგ ლერწმის
 ლულას სდებენ, რომლითაც ჰაერი
 შედის. მაგრამ ბევრნი ამისგან
 გიჟდებიან, ან ასოთა სპაზმური
 თრთოლა ემართებათო. ძეგლევში
 (Seglevi) ცხელი წყლის წყა-
 როები უნდა იყოსო (Reisen
 I, 280).

გვლდენშტედტსაც ნათ-
 ქვამი აქვს, რომ უწერას სამ-
 კურნალო წყლების გარე-
 შემო, ონის მსგზავსად
 იის სუნის იდგა, მეტადრე იქ
 თურმე, სადაც ახალი ორმოები
 იყო ამოთხრილი. ადგილობრივი
 მცხოვრებნი აქაც იმავე
 წესით ქარებითა და არ-
 თრიტით (gichterische Kranken)
 დაავადებულებს სწამლობდენ (Rei-
 sen I, 290).

როგორც ზემომოყვანილი ცნობებითგან ჩანს, აქ ორთქლის, ან უკეთ რომ ითქვას, აირების აბაზანების, ან ერთგვარი ინჰალატორიუმი ყოფილა ქარებისაგან დაავადებულთათვის უმთავრესად. „ინთილა“ რა ავადმყოფობა იყო, საბა ორბელიანს განმარტებული არა აქვს, ჩუბინიშვილის სიტყვით კი თითქოს კუჭნაწლავების მოშლილობის ავადმყოფობა უნდა ყოფილიყო, მაგრამ არა ჩანს, რაზეა ეს განმარტება დამყარებული და საექვოა რომ სწორე იყო.

დასასრულ, ვახუშტის სიტყვით, „ჭერემს, ვეჯინს ჩრდილოთ, მთის კალთას არს აბტალა, რომელსა იტყვიან ნასოფლარს და რი-

სხვით დანთქმულსა. აღმოდი ს
 კუპრი, ვითარცა მდულა-
 რე“-ო (ვახუშტი, გეოგრაფია
 314). სახელოვანი გეოგრაფის ამ
 ცნობითგან არ ჩანს, რომ ამ ახტა-
 ლის „მდულარე კუპრი“ სამკურნა-
 ლოდ გამოყენებული ყოფილიყო.

ზემომოყვანილი ცნობების სიმ-
 ცირისდა მიუხედავად, მგონია მა-
 ინც უდავოდ მტკიცდება, რომ
 საქართველოში სამკურნალო წყლე-
 ბით სარგებლობა დიდი ხანია და
 ფართოდ ყოფილა გავრცელებული.
 სამკურნალო წყლები სხვადასხვა
 ავადმყოფობის დროს უხმარიათ.
 ცხელი და ცივი (ალბად გაცხელე-
 ბული) გოგირდის წყლები უმთავრე-
 სად ქარების წინააღმდეგ და კანის
 ავადმყოფობის დროს, მუწუკებისა
 და ბუგრისაგან, განსაკურნავად.

საბა ორბელიანის სიტყვით, ბუგრად იგულისხმება „კარაბადინში მსხმო რაინე მუწუკათ, ვიეთნიმე ყვავილსა და წითელას სენტა უხმობენ“-ო (ლექსიკონი). თავის განმარტების სისწორის დასამტკიცებლად, ოსეს 7₅ აქვს დამოწმებული, რომელშიაც ნათქვამია: „განიროთხა კელი მისი ბუგრიანთა თანა“-ო. ბერძნულ დაბადებაში ბუგრის შესატყვისად სწერია ὁ λιμυβ; „ჰო ლოიმოს“, რაც ძველ ლათინურს lues-ს უდრის, ე. ი. გადამღებ სნეულებას ჰნიშნავს, ჭირს, შავ-ჭირს ეწოდებოდა. რასაკვირველია, ვახუშტის ცნობებში სრულებით შავ-ჭირსა და გადამღებ მოარულზე არ უნდა იყოს საუბარი, არამედ ბუგრად

ტანზე გამონაყარი უნდა იგულისხმებოდეს, ალბათ ჩვეულებრივ მუწუკებზე უფრო ძნელად მოსარჩენი. ამის, ქარებისა და კანის ავადმყოფობათა ასეთ განმკურნებელ წყლებად განთქმული ყოფილა.

შემდეგ აღსანიშნავია, რომ საბკურნალო წყლებს, როგორც დავრწმუნდით, სასმელადაც ხმარობდენ, ასეთი შინაგანი დანიშნულების წყლები ორ მთავარ ჯგუფად იყოფებიან: ერთს მომნელებელ ორგანოს, კუჭ-ნაწლავების დაავადებისგან განსაკურნებელად მიჩნეულნი შეადგენდენ ე. ი. „მომდნობნი და მომნელებლნი“ წყლები, რომელნიც საჭმლის მონელებას შველოდენ. ასეთი თვისების წყლებად მიჩნეული ყოფილან: არჯვენის მთის

თხემზე მყოფი, ფარავნის ტბასთან
მდებარე, ვეძას, სიონსა, კობსა და
უწერაში გამომდინარე წყლები.

რკინოვანი წყლები სიონსა, კო-
ბსა და უწერაში ყოფილა მაშინ
ცნობილი.

მეორეს მხრით, ნივთიერებათა
გაცვლა-გამოცვლის დაავადების
განმკურნებელ წყლებად ითვლე-
ბოდენ: დბანისის წყარო, რომელიც
თირკმლისა და შარდ-სადინარის
გზებისა და ორგანოს ქვების დამ-
შლელ საშუალებად ყოფილა მიჩ-
ნეული, და დიდ-გორის წყარო,
რომელიც ქრონიკული მალარიის
ნიადაგზე წარმოშობილი ღვიძლის
დაავადებისაგან გამკურნებელ სა-
შუალებად ყოფილა ცნობილი.

დასასრულ, აღსანიშნავია „სასუნ-
ნებელი მიწის“ ხმარებაც, რომელიც
აღმოსავლეთსაცა და დასავლეთ
საქართველოშიც ყოფილა: ხვწის
მახლობლად ღიახვის გაღმა, უწე-
რასა და ონში. ამ „სასუნებელი
მიწის“ სამკურნალო მიზნით გამო-
ყენების ნამდვილი ვითარების გა-
გება, არსებული მასალის მიხე-
დვით, შეუძლებელი ხდება, რათ-
გან, ზოგიერთ სნეულებათა ტერმი-
ნების გამოურკვევლობის გამო,
ძნელი სათქმელია, თუ რომელი
ავადმყოფის საწინააღმდეგო საშუ-
ალებად ითვლებოდა იგი. ცხადია
მაინც, რომ აქ ჩვენ ერთგვარი ინ-
ჰოლატორიუმის ჩანასახთან გვაქვს
საქმე.

ზემონათქვამითგან ირკვევა, რომ
 საქართველოში ძველად მიღებუ-
 ლი ყოფილა სამკურნალო წყლე-
 ბით მკურნალობა გარეგანი სა-
 შუალების სახით, აბაზანებად და
 შინაგან დასალევად, სასმელად, ან
 ერთსადაიმავე დროს გარეგან
 და შინაგან საშუალებად. ამას
 ვარდა, ცნობილი ყოფილა ორთ-
 ქლით, ან აირებით წამლობაც
 „სასუნებელი მიწას“ ერთგვარი
 ინჰოლაციის სახით.

სამკურნალო წყლების მოწყობი-
 ლობის შესახებ მეტად მცირე
 ცნობები მოგვეპოვება. ზემომოყ-
 ვანილი ამონაწერებითგან საგულის-
 ხმებელია, რომ ამ წყლებითგან
 მხოლოდ ტფილისში და ორძრხეში,
 რომელსაც რუსებმა აბასთუმანი

უწოდეს, ყოფილა აგებული აბანო-
ები და აბაზანები არსებობდა.
სხვაგან მე-18-მე საუკ. სამკურნა-
ლო წყლები მოუწყობელი ჩანს.
მაგრამ ამაზე წინათ, როდესაც
საქართველო პოლიტიკურად და
კულტურულად ჯერ დაქვეითებუ-
ლი არ იყო, უეჭველია, აბანოები,
ზოგან მაინც, სხვაგანაც უნდა ყო-
ფილიყო. ამას ის გარემოება გვა-
ფიქრებინებს, რომ ძველ დბანისში
მე-19-რე საუკუნეშიაც-კი ჩანდა
და ეხლაც მოჩანს აბანოს ნანგრე-
ვები, რომელთა შესახებ ვახუ-
შტს მაინც არაფერი აქვს ნათქ-
ვამი. მაშასადამე იგი უკვე დიდი
ხანია განადგურებული ყოფილა.
ასევე შეიძლება მომხდარიყო სხვა-
განაც.

საერთოდ შეიძლება ითქვას, რომ
ვახუშტი ბატონიშვილისა ღაცად.
ან. გვლდენშტედტის თხზუ-
ლებებში საქართველოში ძველად
ცნობილი სამკურნალო წყლების
მხოლოდ მცირედი რიცხვი იხსე-
ნიება. იქ შეტანილია ცნობები
მხოლოდ განთქმული სამკურნალო
წყლების შესახებ. მარტო გეოგრა-
ფიული სახელისა და რუკის საშუ-
ალებითაც შეუძლიან მკვლევარს
გამოარკიოს, თუ სად უნდა იყოს
კიდევ საქართველოში ძველადვე
ცნობილი, მაგრამ გეოგრაფიულ
მწერლობაში აღუნუსხველი სამკუ-
რნალო წყალი. ქართველი ყველა
ასეთ ადგილებს „აბანო“-ს არქმე-
ვდა და, მარტო 5 ვერსიანი რუკა
რომ გადასინჯოთ, იქ რვა ამგვარი

სახელის მქონებელი ადგილია აღ-
 ნიშნული: ხუთი „აბანო“ (იხ. ღნ:
 61—15, 42—15.-61—15, 42—
 30.-61—15, 42—45.—ე6: 62—00,
 42—45.— 60—00, 42—25.—63—
 00, 42—15), „აბანოს წყალი“, ანუ
 „ლოპნის წყალი“ (იხ. ღნ: 61—15,
 42—15) „აბანაური“ (იხ. ღნ:
 61—15, 42—30) და „აბანოეთი“
 (იხ. ღნ: 60—30, 42—45). უფრო
 დიდი მასშტაბის რუკები რომ
 ყოფილიყო, ასეთი სახელის მქონე-
 ბელი გეოგრაფიული ადგილების
 შესახებ, რასაკვირველია, ამაზედ
 გაცილებით მეტი ცნობები გვექ-
 ნებოდა.

ამგვარადვე, რაკი ეხლა ვიცით,
 რომ ვეძა ძველ ქართულში ტუ-
 ტოვანსა და მლაშე მინერალურ

წყალსა ნიშნავდა, შეგვიძლიან და-
 ნამდვილებით ვსთქვათ, რომ ვედათ-
 ში, ვედათ-ხევსა, ვეძის-ხევსა და ვე-
 ძინშიც (თიანეთის ყოფ. მაზრა, 5—
 ვერს. რუკაზე ენ $62^{\circ} 31' - 42^{\circ} 00'$
 და ტფილისის ყოფ. მაზრა, ე7: $62^{\circ} 15 - 42^{\circ} 00$) ასეთივე თვისების წყა-
 ლი უნდა იყოს.

დასასრულ საინტერესო იყო
 სამკურნალო წყლებით მკურნალო-
 ბის საქართველოში მიღებული წე-
 სი და რეჟიმი ყოფილიყო შესწავ-
 ლილი, მაგრამ ამ საკითხის გამო-
 სარკვევად სულ სხვანაირი მწერ-
 ლობის ძეგლების გადასინჯვა და
 გადაკითხვა იყო საჭირო, რომლის-
 თვისაც მე ამ ჟამად სრულებით
 არ მცალიან, ამიტომ ამაზე სამწუ-
 ხაროდ დღესდღეობით არაფრის
 თქმა არ შემიძლიან.

50 კაპ.

K 13.455
1



პარლამენტის ეროვნული ბიბლიოთეკა



K 13.455/1